

Visoki predstavnik Inzko je zahvalio Japanu na snažnoj posvećenosti BiH



Kao zemlja članica Vijeća za provedbu mira i značajan donator, te sa ogromnim proizvodnim i trgovinskim kapacitetima, Japan je u posebnoj poziciji da razvije partnerstvo sa Bosnom i Hercegovinom, izjavio je danas visoki predstavnik Valentin Inzko na konferenciji u Tokiju.

Visoki predstavnik je izvijestio zamjenika ministra vanjskih poslova Japana Yutaka Bannou i članove Japanskog instituta za međunarodne poslove o političkoj situaciji u BiH nakon općih izbora održanih 3. oktobra. Visoki predstavnik je rekao da je sada vrijeme da se politički lideri u BiH fokusiraju na brzo formiranje vlasti te na provođenje reformi kako bi se unaprijedio proces evroatlantskih integracija. «Građani od političara koje su izabrali očekuju *novi početak*. Međunarodna zajednica je spremna da im pruži podršku.»

Visoki predstavnik Inzko zahvalio je Japanu na njegovoj odlučujućoj ulozi u implementaciji mira u Bosni i Hercegovini tokom proteklih 15 godina. Naglašavajući ekonomski potencijal BiH, visoki predstavnik Inzko pozvao je Japan da u većoj mjeri iskoristi rastuće trgovinske potencijale u Bosni i Hercegovini. «BiH se nalazi u središtu većeg tržišta jugoistočne Evrope koje obuhvata 55 miliona potrošača – ona je pravi partner za japanska preduzeća.»

Puni tekst obraćanja visokog predstavnika je dostupan na web stranici www.ohr.int